

Zaihasrim b. Mohd Dawal

From: Unit Komunikasi Korporat
Sent: Thursday, July 13, 2017 9:03 AM
To: UUM - All Staff; UUM - All Students
Subject: Kenaikan Pangkat Profesor 12 Staf Akademik Catat Rekod Tertinggi



Unit Komunikasi Korporat
CORPORATE COMMUNICATION UNIT

Universiti Utara Malaysia

13 JULAI 2017 / 19 SYAWAL 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Abdul Halim Husain

KENAIKAN PANGKAT PROFESOR 12 STAF AKADEMIK CATAT REKOD TERTINGGI



UUM ONLINE: Kenaikan pangkat 12 staf akademik ke jawatan Profesor Gred Khas C (VK7) mencatatkan rekod tertinggi dalam tempoh lapan tahun di bawah teraju Naib Canselor, Prof Dato' Seri Dr Mohamed Mustafa Ishak sejak 2010.

Menurut beliau, dengan kenaikan itu, menjadikan jumlah Profesor di UUM adalah seramai 72 orang dan secara keseluruhan jumlah staf akademik yang telah menerima kenaikan pangkat dari 2010 adalah seramai 445.

Katanya, kenaikan pangkat itu juga menunjukkan bahawa universiti mengambil berat kebajikan staf khususnya staf akademik di atas segala usaha dan pengorbanan mereka yang menyumbang kepada kecemerlangan universiti.

"Jawatan Profesor ini adalah satu pencapaian tertinggi yang menjadi impian setiap ahli akademik yang memilih kerjaya sebagai pendidik yang mana ia merupakan kemuncak kerjaya ahli akademik.

"Kenaikan pangkat ini akan menjadi dorongan dan motivasi serta pengiktirafan kepada staf akademik yang terdiri daripada ahli Persatuan Staf Akademik Universiti Utara Malaysia (PERSATU) untuk terus berusaha dengan cemerlang," katanya pada Majlis Penyampaian Watikah Kenaikan Pangkat Staf Akademik dan Majlis Sambutan Aidilfitri PERSATU di Foyer Pusat Pengajian Pengkomputeran (SoC), semalam.

Tambah beliau, dengan bilangan Profesor yang ramai di universiti ini diharap dapat memberi impak besar kepada universiti menerusi kecemerlangan mereka, sekali gus membawa reputasi universiti ke tahap tertinggi lagi.

Ujarnya, hari ini, UUM sebagai universiti pengurusan tidak lagi di pandang serong atau di pandang rendah berikutan pelbagai pencapaian dikecapi termasuk akreditasi yang diperoleh dan menjadikan UUM setanding Universiti Malaya (UM) khususnya dalam bidang Pengurusan Perniagaan.

Naib Canselor turut menekankan supaya staf akademik dapat memajukan Pusat Kecemerlangan (CoE) dengan menjalinkan kerjasama dengan universiti luar negara serta merancang bidang penyelidikan dan penerbitan.

Pada majlis itu, seramai 12 staf akademik berjawatan Prof Madya menerima watikah kenaikan pangkat ke jawatan Profesor berkuat kuasa 3 Julai lalu termasuk Timbalan Naib Canselor (Hal Ehwal Pelajar dan Alumni), Prof Dr Abdul Malek Abdul Karim.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara

Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.